

Pa yena espacio cu e situacion di FDEC

Ta mirando posibilidad pa lesnan di arte den bario

ORANJESTAD – Segun minister di Cultura, gobierno ta mira e posibilidad pa hunto cu otro instancianan amplia e programa di lesnan di arte pa ofrece den centro di barionan.

Esaki minister a duna di conoce despues di a reuni cu Scol di Musica Rufo Wever. Scol di Musica Rufo Wever tin hopi aña di existencia dunaando lesnan di musica riba un nivel halto.

Pues pa e motibo aki a combersa cu directiva, docente y cu e Director di Scol di Musica Rufo Wever, Sr. Felix 'Chuchu' Hoek, pa asina yega na ideanan con pa amplia nan servicionan pa asina aki duna mas mucha y hobennan den e diferente barionan rond di nos isla e oportunidad pa siña toca un instrument.

Manera Sr. Hoek a splica, Scol di Musica a acerca Minister Oduber pa asina wak den ki forma nan lo por contribui pa asina aki yena e espacio cu e situacion di FDEC a laga atras den e diferente barionan y expande loke nan ta ofrece na e momentonan aki.

E reunion aki tabata uno sumamente positivo unda cu Scol di Musica a presenta nan sugerencianan na Minister Oduber kende tambe a splica un poco mas di su vision di na unda e lo kier mira e desaroyo di arte y cultura den barionan yega. Sr. Hoek a splica di lo bay reuni den su seno pa asina aki mira den



ki forma nan lo por complementa cu nan servicionan e plan di Minister di Cultura, pa asina aki hunto yega na plannan mas concreto pa un proyecto sostenibel cu lo beneficia e usuario.

Segun Minister Oduber, su

vision ta pa crea un relacion di partner y traha hunto cu e diferente instancianan manera Scol di Musica Rufo Wever, pa asina aki brinda oportunidad na tur alumno cu tabata haci uzo di FDEC su servicionan, incluso pa am-

plia e cantidad di alumno cu un grupo mas grandi di mucha y hobennan, cu no a haya oportunidad y no tabata tin manera pa participa, pa nan tambe por conoce nan talento mas di cerca y desaroya esaki. □